

四庫全書

集部

欽定四庫全書

集部

筠軒集卷八

詳校官庶吉士臣陳若霖

中書臣劉源溥覆勘

總校官進士臣楊懋珩

校對官助教臣胡予襄

謄錄貢生臣王時發

欽定四庫全書

筠軒集卷七

七言律詩

海門潮

海門東望樹蒼蒼，
劃見銀濤混渺茫。
萬古月華同進退，
千山雲影互低昂。
魚龍失勢移新穴，
鷗鷺忘機不亂行。
估客倚篷心膽掉，
潮平釀酒酌斜陽。

元唐元 撰

乾坤上下變風雷幸無鱷舞張旗幟信有昏魂吸酒盃
古往今來幾翻覆中天不動拱三台

拂郎國獻天馬

西戎獻馬大明宮九尺頭昂立朔風身遠黑雲蹄踐雪
眼明紫電骨如龍圉人飲豆須三品明月當盧映兩駿
雉貢越裳周道盛歡歌重見入居庸

駮骨西來路幾程涉殘滄海覺身輕一尋向上真非畫

萬馬皆瘖不敢鳴
玉署詞臣揮贊筆
虬髯使者被恩榮
可憐漢武窮兵日
得似天朝賀太平

淵明菊

誰錫嘉名配往賢
香生髣髴義熙前
孤高莫比閒情賦
慘澹如思述酒篇
白白黃黃荒圃地
風風雨雨晚秋天
縱殘不受塵沙汙
百卉中間節最堅

東作

垂白村翁懶出門
兒孫活計在田園
雷掀地上龍蛇窟

雨暗江南桑柘村
曉起荷鋤山月白
暮歸濯足澗流渾
芹芽笋茁供厨饌
耕鑿難忘聖代恩

三月三日初度

八十山翁禿髮蒼
衰殘何計硯田荒
眼看稚子頭皆白
夢想故人天一方
有手尚堪揮酒盞
當場誰敢論文章
賜衣一襲君恩重
門巷風清拂袖長

花朝訪朱元輔不值

白版橋邊水帶沙
穿深度密訪君家
繩床斐几門微掩

野迳山蹊桃始華處士未歸籠有鶴耕夫纔飽樹啼鴉
知音不遇空回首獨立東風幾吐嗟

近苦目熱齒疼

老去都憑造物兒潘郎何恨髮成絲身如大樹頻生菌
眼似明河詎有脂擬借麻姑搔癢具浪傳淵客泣珠為
直須靜默安靈府驅盡閒愁聽奕棋

百年四萬日垂老三十六牙城早空老去覓親情頓減
俗間毀譽恐非公長康啖蔗於形外杜老看花似霧中

甚笑懲羹憂熱惱永蠶百甕策神功

扈從灤陽清暑

漢皇移蹕向回中風伯清塵暑氣空
駸乘文儒承顧問獻瓜父老撫疲癯
夷王遠致金駝座宿衛頻分玉張弓
萬歲千秋奉明主此行遊獵得非熊

萬里提封掌握間離宮風露占清寒
乘輿纔動關星象御食精調領大官
金齒蠻王來獻寶玉堂學士摠彈冠
惟應遊豫安中外萬歲齊呼天可汗

令下趨燕早離秦
龍城風露正侵人
上方寶劍光馳道
大駕金根警蹕塵
千里桑麻觀樂土
三時鼎俎得賢臣
善調玉體清涼國
聖歷宜過億萬春

尚覺克居古異方
鈞陳太乙暮蒼蒼
稍同漢室清涼殿
不比南朝石步廊
味薦猩唇來島嶼
囊盛馬乳挹天漿
遙知輝翟承君寵
下士何由望末光

次韻周彥明

纔出城南眼倍明
周圍讌集客非生
漁家結屋通隣好

水廟飄香度竹清
曳杖每愁苔逕滑
開軒初愛葛衫輕
路人偶識先生面
怪我嬾跚勃窣行

築屋南宮牕戶明
堦閒一任紫苔生
石橋誤覓天台路
竹院平吞練帶清
林果每垂簷際重
茶烟直繞樹頭輕
閩州絕唱今誰繼
大似麻源上谷行

家園夜坐追思舊日感懷寄洪存心

卧看天星嘒嘒明
還從蘋末覺風生
人驚老醜綠多病
天錫詩材忌太清
建鄴城中千日醉
桐江波上一絲輕

不如歸老尋姻友明月街頭一字行
卧聽秋蟲咽到明驚心髀肉不重生厭吟旅舍烏棲曲
幾嘆豪家潁水清先友記中春夢冷貴人頭上雪莖輕
倚門望久歸來日又向金門掉臂行

次韻學正青山李公

齋閣深藏學懶殘時從池影看雲還尋花尚有春孤注
庇士誰為厦萬間人似雲松高偃蹇文如霧豹見爛斑
忘年幸結同寅好每愧踈庸賴鑄顏

次韻劉時中郎中題垂虹橋二首

後除待制

初疑蜃氣結穹窿，還訝晴虹下飲空。
影動星辰天拱北，勢連湖海日流東。
祇言履險宜求濟，不用需孚已奏功。
擬效相如題幾字，區區駟馬愧雷同。

岸束黃流訐不平行，人朝暮躡長鯨。
占星已覺天根見，不日能驅山骨成。
萬里途遙催驥足，三更潮動聽鼃鳴。
沙門願力彌精進，從此津梁徧海瀛。

艾幼清北遊

平生父子遷固史人間拘忌陰陽流青山白髮老更好
黃河秦華君重遊吳人熟念旅瑣瑣范叔自笑寒颼颼
圖書東壁委山積儻因文藝資旁搜

送于尹之官烏程

延祐初科名進士烏程百里新郎官醇如箬酒光照面
清似雪水晴生瀾熊吞貉子誰敢過鶴在雞羣人共看
循資便合上栢府輸盡平生一寸丹

次韻許彥昭見貽之什

客窓慙息帳浮烟畏暑情懷易惘然歎嶺遙瞻天一角
吳門經見柳三眠白頭映雪須盤菴金盞盛漿只玳筵
丁卯集成詩律穩竹林今日識諸賢

天平山

天平山裏唐朝寺蘋藻重來薦范公夾道松陰常帶暝
傍巖池影祗涵空石排甲士雲千竈藤走文蛇地百弓
心與義田同不死年年擺榼舞秋風

眠松

何年手種吳山阿鐵石作幹枝森羅蟠泥爪甲自菌蠢
干霄意態寧婆娑孔明竟是卧龍者安石其柰蒼生何
憑誰喚醒出空洞山前萬耦披朝蓑

餞馬昂夫郡侯赴池陽

紫馬東來有耿光九華秋色對蒼蒼氣涵西極山河秀
材壓中州翰墨場飽腹蓬蓬民有飯中流渺渺濟逢航
循良傳裏無多事勸學劭農德意長

往歲從容待次公今年又識大蘇翁傳家龜鶴留清節

驚世文章有古風五馬二毛新
郡牧九華千仞舊江東
遙知沙際迎笳鼓旗影翻翻曉日中

送牟景陽都事之官帥府浙東

湫湫吳江接蜀波廟廊勲業舊鳴珂
一門兄弟身先貴三世文章譽不磨
大府賢僚參贊暇元戎小隊笑談多
諸公不作臨歧醉奈此朔風吹帽何

龍飛在御仕逢辰漕府俄遷帥府新
慷慨要為天下士雍容且作幕中賓
文章政事熊魚味野店山橋車馬塵

十萬軍民同挾纊梅花角裏亦回春

送李錄事正卿歸安仁

止善堂成煩董役采芹亭廠舊論文味甘吳郡三年水
影共江東一片雲柳媚河津知送客馬嘶官路悵離羣
賜金增秩皇恩近歸去萬山吾隱淪

過養材村

養材源頭桑柘黑息溪渡口烟水昏蠶生羞入懶婦手
燕乳不擇貧人門冷官歲月空得老客路荆棘今消魂

三十六策歸最好迎人
稚子踉蹌奔

宿梅堰

日斜梅堰散牛羊
漸近鄰舟借燭光
夾岸長楓渾欲醉
持篙小女白如霜
幾年湖海催衰鬢
半紙功名笑漫郎
大小馮君文雋雅
相看喜色映眉黃

十一月一日雨齋作

急雨投窓作意鳴
昏昏城鼓欲初更
青燈猶是忘年友
黃菊終然不世情
床下小蟲工細響
風前老鴈恨孤征

便應心膽渾如鐵
飢顆相逢亦瘦生

種花隔歲學兒嬉
又及秋風洒菊枝
指甲禿無搔癢具
形容衰似別家時
雲臺功業年華晚
黍谷陽和造化私
首蓓盤空猶健飭
霜螯適與麩生期

去去重來若隔晨
踈窓暗壁漫凝塵
獨行荒圃忽佳菊
偶值同鄉即懿親
縱笑辦笑談
供餉客尚憐
幽閒易傷神
家山此日開爐飲
笑擁孫雛白勝銀

再用韻答顧薦卿

驍騰伏櫪待長鳴解織天機日七更客路風埃先得老
道人木石本無情履穿何用嘲東郭句好元須繼北征
來往脩廊共談笑今宵賸喜月眉生

讀子敬龔先生江東小橐

詞場詩社老能成宿將臨邊號令明盡洗鉛華看絕色
何煩絲竹聽希聲謝韋向上無圭角濂洛方來以道鳴
自古文章分正閏紛紛齊楚孰爭盟

宮牆面對閱時流能事高懸水鏡秋清苦三年嗟刻楮

繁華滿目付浮漚坡公門下無多客工部毫端有萬牛
倘乞刀圭生羽翼會隨雞犬上瀛洲

寂寞祠官升斗謀山川黃落未歸舟五更孤枕六旬客
二句三年雙淚流醉倒沆花宗武在行吟楚澤屈原愁
願因紵縞酬投贈不貴人間萬戶侯

再用韻謝龔子敬

繩削無煩早混成直須平步到泉明深窺鐵網珊瑚影
響徹金蛇霹靂聲傾蓋交情嗟晚合追風意氣羨長鳴

問渠大國衣裳會，最爾江黃許乞盟。

老子圓機傲九流，誰將塵滓混清秋。
談詩直指形神影，撫世何心夢電漚。
愧我智多非老馬，輸公劘發失金牛。
功名未讓麒麟閣，賦手先還鸚鵡洲。

瀛謝奎殘淺近謀，居仁首派駕仙舟。
鏘似上堂聞樂，縝密如盛水不流。
楓落吳江知鴈過，月明巫峽聽猿愁。
玉堂今夜涼生硯，李廣材高老不侯。

老竹道中

離離官候蘚痕生苦為行人管送迎投老年華憎歷換
近鄉途路覺身輕危峯壓雪爭寒意疾吹驅雲漏日明
想得祭先新釀熟糟床急瀉雨簷聲

次韻汪處謙雪中度昱嶺見懷

凍合無聲竹下溪蹣跚投宿野橋西人行蜀嶺愁應絕
路入仙源意轉迷浪湧鯨鯢連鉅海天輸玉帛出全齊
今宵且了還家夢不管楊花撲遠堤

長城如畫練橫溪歌吹何心戀竹西白首尚違商嶺卧

多歧爭奈具茨迷
千山雪霽銀屏出一夜永生玉筋齊
稚子忽來推午枕
相邀挑菜步前堤

歸來未擬泛南溪
夢繞玄裳已掠西
芳草池塘春尚淺
殘梅亭榭徑偏迷
詩如大國誰雄楚
酒似青州直到齊
猶憶往來吳會熟
虹橋飛舞跨長堤

二十七日謙父詩來是日僕如獅潭越三日二

月初吉用韻奉謝

碎月灘前共飲溪
泥留指爪逐鴻西
歸尋松菊盟猶在

舊看烟花眼不迷
泉竇通時流易滿
柳條多處剪教齊
墻頭過酒休辭
醉草軟如茵
襯碧堤

剪刀峯凸接獅溪
東嚮書齋背日西
小飲喜從山鳥勸
安禪寧為野狐迷
牛磨老樹胡偏動
馬嚙枯荻齒易齊
乍別市朝謀寓隱
閉門擬欲斷橋堤

次韻程靜齋倚山書院

夢斷東南一角天
當年宅揆帝圖全
安邊充國無居右
昨土周公已拜前
御賜有來分鑿落
威聲或許過燕然

詩書遺澤傳三世奇寶于今屬後賢

往事傷心杞國天幾家喬木得生全清門鼎鼎流傳日
綠野煙花指顧前塵境夢身今往矣秋風兒淚故潸然
倚山精舍新題榜刺說青鬮奕世賢

乃翁仙馭上寥天身贖嗟無計萬全猶見雲橫朝枕外
空悲月冷夜臺前相門自昔推長白耆舊于今憶浩然
更號定知羊棗意孟莊那得並稱賢

瀟湘一舸水中天歸訪人琴兩不全成佛未應居謝後

爭名寧用愧盧前
雲山在望徒紛若
絮酒臨風為憮然
聞道嗣宗多子姪
仲容雖老最為賢

今日桃源別有天
四時欄檻百花全
搖搖翠蓋清風裏
采采金英白露前
玉樹郎君應俊甚
霜髯學究想皤然
遊吳適越真堪笑
客授如公覺獨賢

次韻蔣野巖寄仲山二首
無簡雲巖先輩

詡徑聲猷豈勃興
公家伯仲摠堪稱
人間狡獪嗔三穴
年少輕肥笑五陵
晚境衣冠宜質朴
故園梅菊有交承

詩來字字含烟霧報稱應慚錫百朋

九十年華撫廢興貞元朝士尚誰稱
芝歌自昔悲商老麥飯何從洒漢陵
物外仙蹤諧夙好眼前俗子祇羞承
林棲未卜重參請玩易空憐龜十朋

次韻陳國表秋日登姑蘇臺

泚泚重雲鴈影奔憑高極目水遶村
黃池未覺盟言冷宰匱空令主聽昏
離黍秋風增感慨斷碑殘日鑒亡存
方來楚漢無窮事說與芻蕘亦黯蒐

讀書堂上芥為舟夢想乾坤外十洲政爾客羶真得冷

猶嗟病骨早知秋有心擊磬寧忘世

國表近奉儒司委董石磬

無計

歸耕却恁愁鴈塔題名何恨晚西家畢竟愧東流

國表山長偕諸君遊虎丘屬兒子桂芳卧疾敬

用次韻

聞道茲遊取友端虎丘山水雲寬青燈不似少年好
白石空歌長夜漫兒病自憐如鶴瘦客羶誰念似冰寒
坦途付與安行者未信人間百八盤

次韻朱竹齋見寄

詩到人憎不直錢
吾儕參請幾經年
響鳴赤壁江臯鶴
清嘯蘇公雪窖氈
淨洗腥羶歸白社
豁開雲霧見青天
邇來有口且挂壁
梳貌紛紛值售鞭

十一月十九日先君子始生寓館薄奠淒然感

懷明日馬上作

陽生葭管凍痕交
尚憶親容淚濕袍
弟姪上堂紛拜跪
老翁扶杖醉醪醕
天荒地老梅魂冷
月黑雲深鴈叫勞

客裏情懷元自惡門前風樹併蕭騷

四日猶遲月下弦平生此日倍淒然寒梅不死春風面
孤子能忘罔極天時果隨宜來昨蠻靈衣髻見連蜷
忍貧正足先先志但願書燈久遠傳

正月七日雪後過鄭村陪祭鄭錄事私謚貞白

焚副有作

雪後溪山盡陸離筓輿伊軋度前陂孟貞曜謚哀終古
郭有道碑無愧辭薦盥有嚴賓在位含酸豈但哭吾私

郢歌不斷淒涼意颯颯陰風動素帷

午厨元章餉溪螺菜心妙甚

種自園丁始甲芽得從溪女淺含沙針鋒入殼挑深肉
椀面橫枝帶嫩花翡翠脫翎分瑣碎淳母到口敢矜誇
不隨羊酪同肥雋只許南烹伴蛤鼈

九月七日曉牕間雨有懷

白髮蕭蕭奈老何驚看木葉下層波百年最恨別離苦
九日無端風雨多儕輩舊交登鬼錄江湖滿地足漁歌

殘生懶作禁門鍵隨分安居養至和

前月憑軒望斗牛舉頭鴈影又深秋黃花有幸露新潤
歸燕何心說舊愁甲子雨占禾附耳庚申夜守客搔頭
兒曹想理登山具碎月灘頭上釣舟

連雨九日乍晴

風閣簷聲靳不流尚容老子望清秋千崖萬壑爭新霽
黃菊紫萸欺白頭侯喜誰同溫水釣山公曾共習池遊
卷書危坐思疇昔萬里終慚浩蕩鷗

煉師吳定夫孫元京先生外孫元京無嗣勉繼
家學山中夜話因贈小詩

半世求田未得田老來尚結讀書緣
千山濃淡古今畫
一水微茫上下天
閒侶鳴鳩管晴雨
偶隨孤鴈立風烟
野山詩客騎鯨去
猶喜賢甥續斷弦

十月初六日携芹芳入藤坑將營壽藏題詠

山石聲礪日欲昏
天寒人家早閉門
昨朝聞虎過西崦
一翁抱犢耕前村
露華成珠草頭濕
月色走汞波中翻

篝燈呼酒雖稍急避席欣逢老弟昆

百年鼎鼎寓塵寰寒暑相催不暫閒
自笑讀書生白髮也思埋骨要青山
虎龍深抱泉源左鷄犬相聞里社間
但勒詩人唐子碣浮生誰脫鬼門關

病起雜書

荒齋孤坐思淒然齒痛無聊隱几眠
病減終朝那廢藥體衰初夏尚裝綿
百年誰免夢槐國萬事何須使鬼錢
却笑山丹矜節序鮮葩如火噴晴烟

單衣未試晚風柔
村舍歸來過石頭
眼力不勝燈力燄
蛙聲偏競雨聲愁
聃翁久悟身為幻
李廣休嗟老不侯
閒客不來心愈靜
聊將歸思問沙鷗

欲落不落山上月
思歸未歸菴中人
可能快手剗犀兕
况欲被髮騎麒麟
冥冥磨刮詣理窟
惺惺警悟存書紳
昔豪新懦忽自笑
松花作意霑烏巾

病中釋懷

衰病相尋不用悲
花殘葉脫恁天時
親朋先死數十輩

造物遲留千百詩
齒痛雖無食
肉相眼明猶辨受
辛辭
傍人莫作龍鍾看
百榼開筵把柘枝

九日同元亨遊崇福寺懷鄭景尹山長奕夫

山中古寺四無隣
此日尋幽度澗濱
快馬氣驕欺老子
閒僧醉熟避遊人
一枝菊瘦秋光獨
百尺樓高旅望頻
遐想豁然文學掾
揮毫題徧練屏春

次韻童一清蕪簡槐里諸公

當年玉殿聽宣麻
森栢祠前過客嗟
鼎鼎樓臺俱世業

林泉詩酒是生涯
指磨文正床床
芴愛惜平泉樹
樹花
幾度思公乘雪棹
愚夫終笑戀西家

仙源易得是胡麻
濟勝何須羨吐嗟
義訓惟應傳寶儼
物妖真足唾王涯
寶篋尚闕宸奎字
畫冊多描別殿花
峙玉森森知敬客
江南文獻定誰家

懶婦無功治泉麻
黔教餓死恥來嗟
少年有志功名會
投老相依水石涯
閒傍青松承露滴
愛拈紅葉綴霜花
去來橫豎皆兒戲
莫訪成都賣卜家

寄吳郡汪叔志推官

三讓名藩古不磨官塘魚米萬艘過新安城裏浮溪派
延祐場中進士科執筆詳刑寬筭楚化民知法避江河
是行慣識平生操細酌寒楓葉底波

廿載湖山兩見之瓊林炯炯照須眉忍饑正字思亭記
投老都官宛水詩隨世功名鞭影動園扉惻怛草心知
吳箋搗就秋溪石閣染雲烟郡閣時

文公間孫仲謙以韋齋故宅為里豪所奪將白

之憲府比來山中微言余適卧疾弗克見敬謝

七言

荒村卧疾闕知聞有客相尋水石濱
筆底難為皇甫湜
人間正少孟嘗君
酒沽野店頻添水
袖拂松梢半惹雲
日暮想君投宿地
柴門木葉落紛紛

維摩示疾寧非疾吏部送窮還得窮
身似春蠶初伏日
貌如霜葉乍禁風
大賢有後昭先德
東魯歸疆待至公
今代宛陵宗匠在
書成萬一寄飛鴻

對雨書示兒曾

時與老妻俱
大病新起

一種霜毛鏡裏分
禪窓靜對度微曛
山妻近喜扶床坐
老子新箋斷酒文
馬革裹尸無長物
祈連象塚慟三軍
儻令身後銷遺臭
未用深悲溟漠君

病餘幸脫鬼門關
肩聳如山耐曉寒
老至萬緣雖是夢
愁來一枕正難安
多情社燕歸茅舍
薄宦鮎魚上竹竿
江海鳴舷猶解賦
何須苦道誤儒冠

湫隘屋居過白頭
五年天假住林邱
十分奇事聞喧澗

二月東風索敝裘家問頻通煩使鶴巽儲告之愧耕牛
未妨舉案交相賀菽水清懽尚可酬

湘竹簾高映夕曛支頤看度北山雲壽徵漫點眉間白
睡思頻添枕稜紋自斷此生巢飲醉誰能免死鬣封墳
羹杯糝芋便衰齒猶笑何山易破葷

春來風雨厭經旬簷菌排釘眼底新年過六旬賒死客
花寧幾樹待遊人溪流窘束黃牛峽汗汁渾濡白氎巾
之武自嗟還自笑英雄幾聚北邙塵

淳安方良輔惠訪贈龐字韻

荒齋夜雨厭浪浪小市俄看陸作江
踈髮雙飄憐我老
洪鐘萬石待君撞青山擁坐如招隱
白雪間歌別有腔
此日掀髯成一笑從知早歲許敦龐

再和龐韻

今代提封邁樂浪文華舊說盛吳江
晴天虹影中流見
山寺鐘聲半夜撞
謬倚講帷常覲面
強橫孤笛不成腔
分陽近喜陪詩社
能免黔驢陋質龐

五用龐韻贈王在中

老硯嗔人兀矮窓南隣索茗杓分江五經文字從師讀
百尺烟樓待子撞靜玩圖書心有法園存魯薛鼓無腔
相逢飯顆緣詩瘦莫問將軍骨相龐

次韻僉事鼎公分水道中

名重中州泰華峯曾澆今古覽忽忽坐令列郡銷姦黨
猶許諸生立下風垂象盡知宗北極瓣香今幸拜南豐
分陽原隰煩絲轡掃却浮雲見碧空

分司鼎公令賦冬日田家

屋外茅茨滿意秋轉頭風色易颼颼暖回最愛三竿日
耕罷方閒十具牛豆箕暴乾高著架麥畦嫌淺更開溝
青樓歌舞新衣換軋軋寒機卒未休

三家村裏澹風烟凍合銀床曉汲泉逐兔惟應當臘後
教牛須要在春前經霜早菜烹來美入碓香粳擣出圓
桑樹雞飛犬搖尾主家頻索地租錢

田家雖苦樂猶真新搆茅簷壓樹身婚嫁關心從賤糴

羔豚餞歲接比隣地爐杜楫烟銷冷籬落梅花暖笑春
八十老翁筋力健兒孫俱是太平民

說著田家百不憂冬來芋粟已全收日暄披著黃綿襖
露地看殘白牯牛書學兔園甘苜蓿聲聞野碓代更籌
薺花吐出春風面笑我何為滯此留

老翁生不識公侯羞殺逢人曲似鈎薄有田園供歲計
莫將名利惱心頭籬懸苦瓠將收種門掩蒼苔迥得秋
旋斫松明留客坐瓦盆浮蟻酒初筍

經簷日薄映水清暫息扶犁隴上耕戶析差科少官事
年豐粃粒作人情草枯可了烏犍飽甕小猶堪白墮傾
賸對兒孫戒勤儉方今四海不言兵

阿翁阿嫗髮如銀喜弄孫雛過近隣酒入幽風偏養老
芋藏土窟可延賓誅茅牽補先防雨植柘包纏不待春
官府清明公事減桃源那得似堯民

村墟煙火抹山尙尚覺顏垣井竈荒寒夜織殘機杼月
豐年填滿富家倉葛根縱白難充腹蠶繡徒溫不在床

金史卷之八
表七
貸米浙商貪子本莫教鴻鴈度斜陽

過淳安投楊如軒主簿

勾稽監稅兩勞人官舍如舟近水濱
刺賦詩篇掇風景
肯將鞭算費精神
笑談喜近文儒地
行旅新過道路春
猶有趨隅舊文學
蒼茫來此問通津

題程伯玉盤趣亭

盤趣亭中酒一杯
葵榴照眼履侵苔
林深別有天地濶
梅熟每招風雨來
王氏槐庭增黼黻
米家書畫壓瓊瑰

衰年制飲真成醉相送煩君首重回

將之金陵留別彥珍叔固伯善世延楚善諸生
小軒向夕一燈紅紙響蠶聲角近功老我聊為俄頃助
諸生俱有古人風靈山窗外松千樹采石江頭月一蓬
黃卷鑽研宜喫緊家聲元是宋三公

筠軒集卷七

欽定四庫全書

筠軒集卷八

元唐元撰

五言絕句

題蔣子中畫竹及對奕圖

我圃延千箇君牕隱一枝秋陽宜辟易開卷洒輕颺

又

不語機關險頻收局面新百年輕費日一著要先人

早起

出郭星垂野穿林露濕裘風高猶過鴈月黑有行舟

又

官河水稍解鵝鷺曉先鳴負擔爭趨市騎驢偶出城

又

半落城隅月猶殘塔上燈羈懷易蕭瑟衰鬢久鬅鬢

偶書

積潦官河漲舟行與路平何人爭港入鵝鷺忽飛鳴

又

曉黑遲烏彩船輕勝馬蹄路間吳語雜身類楚囚棲

又

避俗聊孤坐登橋忽見山江東雲在眼問我幾時還

又

雪色催衰鬢蘭芽數稚孫清風渾負我夢想竹邊門

又

橋轉東西路舟行縹緲仙酒旗風力健紅袖雨痕鮮

又

來往封門路于今又一年祇應橋下水解照我華顛

又

每道還家好翻嫌數日長不知垂老境寧得幾炎涼

又

有弟炎州隔鴈希難得書歸來頭髮白莫遣酒盃踈

續書

吳童白如雪吳女勝於花戲擲冰盤果綠渠倍憶家

又

盡日行城市，渾無相識人。
陽山能顧我，面目了無塵。

又

江魚初罷市，今日賣河豚。
時服黃襦袴，人家矮葦門。

又

易動豆羹色，頻麾夜客戈。
淒涼秦伯廟，憔悴武城歌。

又

鏤巧太湖石，舁來動百枝。
倉黃識新主，臺榭摠相宜。

又

老境寧餘幾抄書無厭時
循牆憐聚蟻俯檻愛新枝

又

風度蠲秋暑雲移翳夕照
香盤行詰曲嚴肅事心君

又書

柔櫓無停響鄰鷄不肯鳴
依稀稀牽曉夢宛轉泥愁城

又

細簾含秋冷飢蚊減暮喧
挑燈抄易罷孤坐了無言

又

誰悟浮生理紛紛醉夢中安貧無愧怍或許是英雄

過嘉禾始聞鶻

祇道思歸切今朝漸近家却嫌鶻語贅啼血染山花

又

壠蜀烟塵雜幽燕殺氣殘茫茫天地闊歸路爾應難

又

邵子天津聽東川杜老吟月斜煙樹老遺恨夜沉沉

夜坐偶成因憶吳會舊遊

河響喧舟入窓虛漏月明于今仍是客擁被聽松聲

又

書燈鑿永夜推枕即窓明却喜還家夢經旬不到城

又

謫龍纔七日窺豹未全斑丹黑嗔人老今年學住山

曉望

幽齋十日雨與山竟相忘橋邊稍延佇遠岫雙眉長

又

羣峯翠撲衣冉冉導行色虎迹大於盤勸君慎出入

送汪宗父歸隱南山一十首後五首述舊遊

宣平隱南山身逐紫煙去惟餘禮斗壇高掛藤蘿樹

又

金陵領羣仙橋山弓劍在歸來構高堂迺見東郭外

又

獨嫌山未深脫身友樵牧芝田野廡耕翻愛一枝足

又

沽酒下深村摘茶經絕岫浮邱一遇翁新識道門秀

又

異竹排黃金幽泉注蒼玉靈君衛雲根應耳道書熟

又

總角快清遊回頭六十載寄語花瓢仙莫怪顏色改

又

天梯三十六何異百八盤赤藤巖溜滑烏帽松風寒

又

洪俞金石友及余各能詩瑤壇醉吟地雲影今離離

又

汪仙釀雲泉果核羅蓮豆大叫落天星不顧濕襟袖

又

四變化黃壤此老猶華顛家無錢一孔漫有詩千篇

退密庵

退食蠶作蠶蛻骨龍欲飛冊翁識天道歸採故山薇

七月十八日題汪金嶺

松林穿笋輿臺笠露微露山深不逢人小橋橫野渡

又

荒年饒美稼流水度雙陂果墜寒塘響松風滿面吹

書窓注泉一泓偶成

山居厭禽聲近市雜人語湛然寸心存俯視一泓水

又

莫言江海深蛟鱔禍不小只此泔蹄間亦足樂魚鳥

又

星光著幾箇雲影可八荒要濯冠上塵請君向滄浪

鮑道原錢氏小景釣臺

把釣人應遠雙臺入杳冥瀨猶嚴氏姓山是漢時青

又

孰不登台鼎多遺汗簡羞至今鳴釣瀨風裡一絲柔

班姬題扇

婉孌儒家女淒涼團扇詩情知辭輦日花唾笑渠痴

六言絕句

留別良輔諸君

隔竹數聲啼鳥當門兩樹桃花春色留人不住江東客
子思家

得意池塘夢草驅愁筆穎生花日暖鶯方出谷泥融燕
未成家

早喜囊中脫穎新愁霧裏看花香火綠俄一載琴書伴
怡三家

即事呈龔子敬

彈冠而仕已老刺船以嬉若人文字裨官野史冠童舞
雩暮春

鳥鵲爭喧墮地鳳凰遠去棲梧薄技操觚弄翰時情鼓
瑟吹竽

未聞一飯三矢尚可斗酒百篇摘領到無可白著書何
有於玄

七言絕句

七月十九日雲嵐王陵留題

虎戰龍爭天地老，林深塚閟鬼神幽。
英雄不是知機早，奈此雲山萬木秋。

題張文玉桃竹翠羽

漢武求仙事杳冥，當時烏使亦通靈。
瑤池宴罷無消息，竹徑桃蹊刷翠翎。

珍禽有意露文章，況在春風桃李場。
何似全身入幽隱，舊山唼草水泉香。

開廟諸生讀書分韻得丹字

天下三分國步艱
卯金遺燼未全寒
陣雲疑壓荒祠黑
猶識將軍一寸丹

九月八日間梅坡判簿偕希賢仲賢仲氏清之
登問政因賦小詩扣清遊之所得

問陟花屏第幾重
長松幾樹似虬龍
候賢亭上同誰話
曾見仙翁挾短筇

問飲幽亭酒幾樽
山猿幾箇護柴門
寒塘果落聲何似

度密穿深日未昏

洞裡黃花供物色
山頭烏帽費矜持
短籬白屋村村酒
斜日青山處處詩

葉村道中書所見

鶯兒何處話言佳
破夢猶欣況客懷
誰向林塘營小隱
琅玕百箇護幽齋

父子扶犁泥沒膝
人間猶見古幽風
桑麻無限春心在
萬古流行天地中

黔川雜詠

翠瑤為壁住人家一夜山前聽亂蛙
莫恠客衾涼似水淙淙飛澗隔窓紗

雷公劈石劣通人處處叢祠覆暗塵
香冷乞靈人亦少蘚痕侵座草搖春

山到靄崗天展畫溪分橫港地鳴絃
烏犍耕罷眠青草白鳥飛來破紫煙

二十年前厭路塵還將衰髮照溪濱
竹籬蓬戶更新主

只喜青山面目真

贈葉君訥

絳灌忘言漢運昌
龍翁大辨善深藏
酒闌豪俠露肝膽
清裁斯人孰短長

溺口諸賢悔吝隨
金人畢竟是吾師
要知論事回天力
不是區區嘯喞兒

四月十五日携兒桂溪上間鶯

水邊藜杖竹邊居
不用移家祇載書
稍喜東鄰來往熟

流鶯多處最憐渠

書生作計太悠悠只聽鳴鶯也合留水北水南行欲徧
天青麥浪半含秋

感懷偶書

鬪智謾誇三十里還家那待一千年舊經行處新門巷
斜日輕風樹樹蟬

二十四夜不寐

機舂伊軋直至曉搥盡空山萬古愁誰念畸人元少寐

露莎微咽候蟲秋

雪後

路轉溪橫忽遠峯
雪晴猶亞最高松
踳跚足屢尋山店
慚愧閒僧扣暮鐘

題黃氏皆春亭

自家意思窓前草
滿目紅酣川上花
十二欄干風雨霽
有人來此岸烏紗

山中偶成

曙色窺窓眼未開溪聲併入枕邊來長年官堠蹒跚足
今日青山不我猜

客窓述懷寄竹逸訓導羅君

屋近幽林好鳥鳴圓吭宛轉太勞生病餘廢格書聲日
只看魚兒作隊行

溪聲逼枕夢魂冷山色當門笑語佳弄鏡燒香消永日
直須平步到無懷

鷄聲咿喔不能休汝亦何知氣候周白日荒荒人易老

乾坤消得許多愁

先生去後斷知聞只見松梢不見雲行過寒塘便愁絕
尋常指別此中分

儒碩堂中看醉貌朝陽亭上勘詩篇寒塘照影何人共
目送飛花只自憐

歲晏書懷五首示第五兒桂芳時留古宣

日日霜風掠戶驚今朝急霰瓦溝鳴天寒附火何人舍
時過金陵第幾程

老大生涯墮硯坑
寒燈照影欲殘更
老妻應道還家晚
晴樹虛占鵲噪聲

水寺雲廊處處詩
揮絃正爾要人知
却憐方丈逢知己
坐對東林月上時

兒時歲節換衣裳
手捧椒盤有底香
十載風埃淹客路
小窓燈火易淒涼

中宵急雨打踈櫺
滴碎羈人一寸心
舊恨新愁衣百衲
恰如針迹密難尋

贈徐伯英

月溪溪上識先公五十年前一夢中
重見郎君頰整面溪光月色恍然同

委巷橫街訪故人碧窓朱戶與時新
斷橋流水孤山路撩亂殘梅點角巾

茅屋杜陵今幾間階前踏破白雲間
相逢要覓君新句坐對南溪雪後山

暫如休邑有感舊友汪公才

欹枕無眠憶舊遊
半牕風雨替人愁
新豐酒好誰堪共
羸得兒童笑白頭

酒興如山不可推
詩狂落筆是瓊瑰
未應老去甘才盡
好借雄風上楚臺

文玉餉墨作小詩趣之

平生清苦墨磨人
儿格無端日積塵
分贈豹囊應絕例
黑蛟翻影硯池新

黑臥梅庭透骨香
煩君遣送到山房
衰年搖膝吟風月

不是龜兒學二郎

崑山寸玉紫光浮報以霜毫久未投老去幸逃吞墨汁
扁舟追夢過羊裘

次韻江賓暘寄盧君敬言曹

汪村渡口據吟鞍聞道將軍教令寬典鷓鴣裘觴使客
種琅玕竹報平安

布袍曾不異初來戶掩蒼苔詎肯開官舍有梅水作骨
紛紛桃李但興臺

架上書多許亂抽相逢玄髮誦如流廣平鐵石心猶在
不作人間統指柔

三月二十八日曉起看牕前牡丹叔固許送緋
桃

絳幌春風剪剪寒幽禽破夢客衾單山居近喜無風雨
自起開簾看牡丹

東園咫尺迫蓬萊試問名花一一開別種緋桃深著色
煩君剪取數枝來

詠史舊題

西都酷吏虎而冠
厭世張湯僅有棺
縱許杜周家鉅萬
青編遙夜幾人看

寶釵百萬貽身禍
尤物胡為累子孫
鬼責人愁無了日
草生偏在貴人門

江賓暘詩來賦七言六首以謝

警曹盧子去已久
望極天涯詩不來
忽見山僧擎藥籠
夜光錯落向人開

賓暘有句幽然光又似冠冕趨朝行老夫貪讀至丙夜
月冷西壁紛啼螢

邇來有口欲挂壁獨問先生安隱無茅茨一盃酒熬好
能令我輩瀉明珠

杜門懶與世俛仰讀書頭白忘魚釜申屠不入黨錮傳
夷吾自著貴和篇

書藏四葉有子讀門對千畦帶雨耕深居愛惜天下寶
笑我老作東西行

明德堂中觀會并于今入室似無人堪怪皇天無老眼
幽花小草自為春

和靖觀梅圖

箇箇寒英太極圈軟紅塵裡識詩仙只今人鶴同淒冷
泚泚湖光月一天

寒夜偶成

墜窓殘月一痕白撼地高風萬籟隨莫怪羈愁不成寐
故山春逗早梅枝

老妻多病怯新寒
笑我鮎魚上竹竿
夢想稚孫初學語
買舟何日過嚴灘

葑門客夜書懷五首無簡汪謙父

少年不省愁
兼病愁病都隨老
大來豈是吳歌太
凄苦
祇緣心緒久摧頽

父子三人共冷齋
夜閒呼夢語幽懷
真成客裡重為客
愁聽風軒葉走堦

一月無書即惘然
安書頻至喜成顛
大兒扶母看新菊

此樂人間勝萬錢

寒夜樓頭捧酒杯
依稀吾母喜顏開
空餘五載霑衣淚
松柏岡頭鶴夢回

良朋十載對書燈
官冷同為有髮僧
君到故園攀夏果
我歸艇子觸溪水

贈教諭黃君歸吳

翼之字出定武石
伯亮藥識神農書
邂逅一樽吳市酒
殷勤滿筯太湖魚

道傍見梅

寒林荒澗野心性
淒風淡日鐵肺肝
置之道傍終倔强
豈為俗眼供奇觀

商山翁試調護手
南陽老扶炎祚功
一時張弛亦在我
縞衣素面臨春風

水容迥立古道側
冷眼看盡行人忙
豈同苦李人唾棄
功成鼎寶遠見嘗

三月十一日清明雨作因憶吳門虎丘舊遊遠

寄青山李先生

低簷挿柳翠條條
無數輕裾度石橋
日暖虎立山下路
鬧竿兒伴酒壺挑

船窓半掩翠蛾顰
為恨輕陰雨壓塵
誰弄玉簫聲要妙
官河占斷一城春

吳王埋骨金何在
坡老題詩刻尚新
石澗阿誰來洗手
碧鈿烟草共分春

山中偶成

水流石罅聲偏激
試引平鋪竹徑間
碧幹明當添秀色
頻來題字記幽閒

寓嘆

飢死疫死連萬里
榆食草食悲當年
化國日長可百歲
貞觀斗米曾三錢

鵠面無肉皮欲死
葛葉有根山為摧
天遠若聞天亦泣
韓滉米舟胡不來

貧家斗粟償子本
可憐孤注蒼麥花
霜晴黑實挂滿樹

端能少貸東西家

秋田小熟面復光尚苦米價昂他鄉黃苦爛盡屋脊見
猶有敗壁書流亡

千家魚鼈太湖笑幾人僵仆雪風寒吳江平地水三尺
飢疫粗息天作難

績燈夜半挑愈燄書窓煜煜綴玉蟲百年三萬六千日
如此相煎成老翁

華山陳搏臣好睡澤畔屈平人獨醒林阿急澗鳴自獻

窓中列岫眼能青

十二月三日與桂尋梅過田舍

墨君三生作仇耦寒梅半面含幽葩水生野碓聲愈急
却沿沙路尋田家

草荒曲岸看犢過橋度獨木呼兒扶日暄瑟瑟沙滿屨
誰掃尋梅涉澗圖

鵝兒啜草母亦喜竹本照水孫同長父吟子和路人笑
一枝到手先春香

題畫鷹卷

架上蒼鷹膽氣竄眼中孤兔掃教無雲霄爪翮聊羈束
鐵馬將軍待一呼

上元夕師潭觀社公燈憶家

鑿鑿鼓響東西社閃閃燈明上下村待月柳梢憐獨自
賣錫擔畔想諸孫

燈光愛與溪光接人影暹依樹影迴白木橋頭風掃面
吾家月好照深盃

三月三十日遣興呈羅履祥黃彭叟

人言惜春不肯睡我自開門看遠山畢竟殘紅易塵土
雲浮松蓋意長閒

贈地理楊仲高

馬革裹屍功異域烏鳶噉肉厄凶年桐棺三寸猶難覓
那識青囊有地仙

中原葬地平如掌南紀山川禍福多拘忌愈深留腊骨
兒孫容易鬢成皤

善葬景純無遠計一身存歿自難防救貧三十六龍脉
猶許聞孫擅世長

教諭黃君余舊識於吳庠比歲橫經績邑猥客
投山中不獲再見燕鴻相避殊可憾也輒因贈
行賦七言二首會吳中知舊道甫問訊

萬艘魚米勾吳郡百畝儒宮丞相園經閣何能辨魚魯
青燈老眼未全昏

冀湯已作飛仙去陳鄭今為後學師踏徧吳城人不識

疎簾細雨舊論詩

龔子敬
湯碧山

題蘇武牧羊圖

身逐羣羝草色秋
手持漢節雪蒙頭
可憐屬國償勲薄
談笑紛紛盡列侯

雪暗穹廬少日光
燕羶那得飲中腸
誰言漢使心如鐵
也為姬人一笑忙

題陳生明皇洗馬圖

五龍毛骨代間無
遠市邊城上帝都
珍重君王賞神駿

內家別有洗兒圖

舞馬筵前豈物妖
銀鞍倉猝授天驕
范陽孰使遺腥穢
賜浴溫泉洗未銷

子壽公約詠機舂

水落一堦翻碎玉
白投萬杵響空山
朝朝只為人鋤口
頗似浮生不得閒

歇時杵挂高梁上
動處輪翻急浪中
萬斛珠璣飽癡腹
古人機巧不言功

先君子梅臞先生嘗詠機舂有水落一堦翻碎玉
學者膾炙元向年用之矣今再用不敢忘吾親也

十二月初十以來思歸排悶

山僧獨在山中宿我亦蕭條坐冷齋鄰磬殘聲度幽樹
辛酸一掬異鄉懷

翁媪霜毛幾許長孫雛燭下誦琅琅江空歲晚不歸去
行遶荒苔百尺廊

慣嚼朝齏淺甕水夜窓猶占讀書燈微官敢羨摩空翮

末路何嗟繫日繩

邂逅行臺識聶公賞音不用嘆文窮人間信有鼠成虎
孰許曹劉摸索中

愁本無根底處生惺惺睡眼數殘更誰令索索葉墮瓦
暗觸家危三四聲

健兒耐冷送殘更半帶吳歌歎乃聲客子去家三百里
殘年能絮祀先羹

四鼓無眠長抵晝須臾合眼即黎明却憑飛夢尋親友

門巷驚回爆竹聲

王君實約竹隱堂小酌

主賓列坐香風吹烏巾
挂在桃花枝千鍾縱濕劉伶土
何似生前一酌之

小亭四面吸山光
竹隱堂西夕照黃
今日芳筵共歌笑
他年荒塚上牛羊

文章不直一杯水
富貴都同春夢婆
箕踞科頭從爾汝
輕衫快馬上坡陀

崇文一首并序


崇文送士友也士友校藝于有司庶侯餞之
郊命其客唐元為之歌曰

昭代崇文肇始先皇曠視遐世化俗洋洋曰傳法在余
惟世祖是光迺詔郡國迺徵賢良迺斷宸衷愔愔翕藏
燿燿士子循彼周行豈曰充位資爾稻粱亦既九載其
思無疆於皇繼聖為天下王庸敦舊物藝苑載揚迺宏
厥宇櫛比蜂房毋窘風雨誦聲炳琅繄惟良牧勸駕是

將籩豆惟嘉有酒其香剗華就實鳳鳴朝陽被爾青紫
見爾明堂庶幾徽國斯道攸彰

題周君實蘭圖

變彼幽姿需沙介石無人亦芳君子之德名托楚騷根
滋春雨沙寒水香毫端欲語



筠軒集卷八

欽定四庫全書

集部

筠軒集卷九

十九

詳校官庶吉士臣陳若霖

中書臣劉源溥覆勘

總校官進士臣楊懋珩

校對官助教臣胡子襄

謄錄貢生臣王時發

欽定四庫全書

筠軒集卷九

元唐元撰

序

朱克用總管詩會序

孔子論詩可以羣夫合於衆之謂羣有所為而為之之謂會明良之會始於虞廷詩歌亦自茲始及觀古之作
者或於山水所經羈旅所留一見朋從情之所鍾此唱

彼和何啻千萬也至正乙酉正月會詩于紫陽書堂自
克用朱侯始預盟若干人大篇短章各出所長仍用真
率遺規酒行有數詩書謀帥孰謂古然而今不然乎然
則觀會通以行典禮亦可為講習之一助豈留連光景
而已哉叙其事七十七翁唐元也

送鄭彥昭侍親歸西江序

虞廷用賢有曰敷奏以言明試以功蓋奏言匪文不彰
實以開後世詞章取士之原漢世策士如晁董諸公存

名奏對事尤近古異時風益頹靡糊名搜挾周防百端
待士之意浸薄向使不世之豪有如荀卿揚雄莊周屈
原輩尚肯低眉俛首於其間哉同里彥昭鄭君吾友稱
隱汪先生外孫也其氣有自來其學有自傳早歲已負
詩聲力窮經術自試久矣秋場不利於是吟嘯湖山間
於意似有不釋然者余告之曰孟氏所謂動心忍性增
益其所不能與易言致命遂志皆有始困終亨之義今
而省親歸南安於養志之餘深据書巢撥置凡近勇猛

精進淬礪舊聞他日一第溷子又何晚哉邇者宣文檢
討太樸危公奏制以三朝史事來徽過余具言彥昭材
譖常薦名于朝觀光上國有在此不在彼者矣科名一
途安足以盡天下士哉

趙學正滿還四明序

海之為物天下之至鉅也鵬鯤之所變化蛟鱓之所孕
育非大莫能容風帆浪舶一瞬千里人生而倏倏寬裕
由氣稟勝也復之居四明東海之濱也余平生舊得三

人焉初識景尹鄭先生已而識繼道丁君最後得復之
趙君三君子皆號能詩所造詣不同車斜競病日倡月
和亦既多矣復之君子人也來糾正徽庠棲遲冷齋家
無應門之童讀書之暇登山臨水初不知歲月之我加
也迺托麴蘖以陶情淵明阮籍之儔匹歟余七十致政
而歸君年差先後君強健步趨而余足繫散局促如轅
下駒此不及君一君滿引數十余僅霑唇急急謝客此
不及君二君將浮遊江海而余粗懸山經水志於屋壁

以追思平昔羈棲歷落之勞此不及君三黃鶴一舉寥廓何能少挽其留耶歸見景尹諸君幸一問訊讀余文其念之否耶

洪氏端本堂序

同里洪元白彥道伯仲榜其燕居之堂曰端本濂溪周子之旨詳矣夫端者正之趨也本者基之立也古者之教自蒙以養正教之端嚴始迨其長也行有戒見於履約身有戒見於珮環居有戒見於盤盂戶牖之間長而

益壯必擇端人正士以資磨切而浸灌之其於人之道
庶知所往矣如構大廈必壯其柱石如築重臺必固其
基址然後可以庇風雨而臨眺望由其本之素立也向
非擇其工師之良而定夫繩墨之正則方圓未周而楹
杵之弗審其如本何哉君世居歙南自祖宗以來增光
飾美甚矣今伯仲之居斯堂也將以甘旨奉慈親以友
愛結同氣以謙抑禮師友顧余老悖何以承君之問而
為一得之助耶乃為之說曰舉天下之物則大為本而

小其末本不大則易挫為自修之學則以小為本而待
大以成焉曰學殖曰治心幾微之所當謹戒者也理明
則心正身修而後及人古之人化行於一鄉有守劔而
不去者矣况其所施之遠且大乎然則端本澄源之學
吾曹之所當講也願與賢伯仲共勉之

徽國文公生旦致祭詩序

天之生聖賢也不數蓋將以立萬世之法程為人心之
大防也是故周康成而生孔子宋康成而生文公尼丘

之禱圩頂輒應與宅井之紫氣上騰一生而榮也山頽
木壞與大風拔木洪水崩山一死而哀也孔子之道著
於心發於口筆於書而六經成先生足其所未盡羽翼
之而傳註出其道同孔子周遊天下僅為侯國司寇先
生在朝四十日丐祠補外晏如也其出處又同孟子曰
君子之澤五世而斬先聖後賢之澤雖千萬萬世不斬
可也今天下學者咸知尊紫陽而父母之邦專祠在焉
至正二年壬午九月既望為我徽國文公始生之辰書

院率循舊典修舍菜禮初獻則廣信張公景範亞獻則
番陽朱公克用終獻則三衢張公仲亨祿薦有臨昭荅
靈貺退而燕于明明德堂醞筭序行酬酢有儀雍雍于
于髻冠侍列笑談交作芝蘭芬襲神人懽喜於是新安
唐元賦詩以彰盛集明日屬和繼至克用公且命元為
引首將刻梓以傳山長史君仲衡溧水人僕紫陽老諸
生也是為序

送李生序

廣平李生如石景修侍其大父別駕公宦遊新安從吾
兒遊三載矣今將歸請贈一言余謂玉石待於琢磨大
學釋自脩之義脩矣雖然盈天下者石也地之四象則
少陽焉高者懸嵌巖下者集坑谷與其履之卑孰若視
之巖巖所以明立志也性剛悍兼柔滑皆得以已疾有
夾持相磨礪皆得以成玉工其用於世者所以為才也
豫之六二介于石而有不終日之貞吉所以為德也吁
志也才也德也是人之効法夫石而石亦不知其得於

人也然則自修之道莫切於讀書余嘗坐筠軒頗與生
講誦聖賢之言生首領心愜必知世之珠玉不足以爲
貴膾炙不足以為味苟得其皮毛而未得於真實亦猶
未也况別駕公盡捐俸金買書數千卷以歸生其閉閣
深居誦之母勞閱市安有天下之書集之於公之門而
不能窺其藩翰者耶生勉之哉異時孝友根於身文懿
稱於里閭咸曰生自紫陽而來者耶非前日之阿蒙矣
既為字序併以贈行云

送江信可陰陽水法序

古今論序事文章莫嚴於禹貢史臣其能言哉今觀其山水所治既疏於九州之下及其導山導水更述首尾于篇末所以一經一緯之也吁禹貢天下大山水圖也惟禹知天下山川之脉絡故功成而書作太史公論陰陽家以為衆忌諱使人拘而多畏恐當衛文徙楚立周公營洛之時未必如是之屑屑也後世書出多門而俗尚機鬼因以惑人亦必儒者持中正之說掃鄙俚之論

俾孝子慈孫得以輸情近得一人焉曰婺源信可江君
自少年脩讀外致意青囊至其講明水法要自胸中洒
然異於俗見余謂山水在九州則有九州之脈絡其在
郡邑林麓間則有郡邑林麓之脈絡山以靜而立為福
禍遲水以動而神為福禍速大抵穿削箭射交鎖織結
此其訣也信可其同耶否耶余又聞赤松景純一行季
通諸公有書而未之傳固自視缺然也縱不能如陸鴻
漸之精到至味亦槩間川上之風矣今而後知景韓之

授受于信可既曰可矣余其可微一言哉是為序

送方廷傑主簿臨川序

吾州方氏始以詩經領鄉薦能大其家虛谷史君早歲
穎悟絕人先達秋厓方公竹坡呂公極口推許迨壯以
別院省元冠多士已而入朝為太學博士出守嚴陵學
既大成與江湖文章伯名埒上下嘗自贊曰行路萬里
讀書萬卷作詩萬篇晚而學易無極太極先天後天其
詩宗放翁而造少陵其文其學得鶴山魏氏的傳亦可

謂江左豪偉之士矣余壯遊錢塘以詩三十六首投謁
史君報之曰子詩以陶杜黃陳為師也其後益自奮厲
衰晚不自休冢嗣中全別駕與余交益欵洽若孫若曾
孫從吾父子遊今主臨川簿廷傑即其曾孫也將之官請
一言以壯其行余讀前史每進閱而訕寒峻謂其目
熟朝儀而心閑治理也吾嘗見今之仕者性資周慎者
疑其遲鈍好為機變者人易側目周慎者循繩守墨以
奉公機變者侵官越公而夸詡君家世傳清白宜知所

適矣山木方升秋水將至其勢可參天而使人望洋君
其慎之

送知事張仲亨序

郡古侯國也有察察焉有從事焉從事獨稱以賓者所
以重其任也故凡徵賦之出入差繇之上下刑獄之重
輕案牘之情偽以至興教育卹寡弱迎上官觴過客得
以興利除害者莫不關聽著心惟其設施有序彌縫合
宜則衆口翕然譽之曰能職要任重而匪輕較然明甚

郡承蠱壞之餘網紀不振伍符尺籍輒造公庭可否時
知事張公自三衢來寔嚴扁鑰洗濯刮磨否既傾矣居
有間會景範張先生任大府元僚二公皆自進士起
家座主門生有不期而會之喜叅贊庶物若前所云云
者賴二公拔儉邪之牙距履王道之坦平不亟不徐潛
驅默化有如金石相宣水火相濟用儒之效似非文吏
苛察之所能也况知事公力贊前守更新孔子廟非常
壯麗又買田土以養多士舉課試以誘英髦此其為政

之大者其小者可槩見也余頃歲引年歸里與公接近
隣巷每相與往來獲親其粹容雅量雍雍于于如在玉
山上行使人頓消鄙吝間出其辭藻溫潤深厚大類其
為人也漸之上九曰鴻漸于逵其羽可用為儀釋者謂
其志卓然而用不凡觀象玩辭公其有焉日承公命為
序不敢固讓謹書之以居羣言之首

洪存心常寧監稅序

潛夫先生吾郡之望也疇昔以詩書禮樂詔其令子存

心洪君君器局整暇幼學壯施是能世其家者豈尋常
任子比哉至元五年夏五月受行省丞相之命監句容
常寧稅將擇日治行同志之士相與葺詩以贈或疑君
枉家學之長而勉為錢穀之任者余曰不然國家之治
財猶日用之水火也民非水火不生活猶五穀之養生
也人無五穀則飢餓至凡歲時之上供百司之經費皆
繇此出是謂一日而不可缺焉者也古者富藏於民而
上無爭利然摘山煮海鐵冶椎酤盡籠天下之利自前

世已然矣龍斷罔利則有征商之法自孟子以來未之改也然則什一之賦與二十取一之征歲有常數並行不倍然後財用足而公家緩急無侵牟於細民為國之大計有天下者便之為日久矣此漢儒議罷鹽鐵而卒不可罷也况君駕輕就熟而恢恢有餘地乎孰謂征商無取於詩書禮樂之用乎古人謂禮樂之行無處不有同寅之協恭與夫賦民之有藝者此其所易見也以儒者之論為迂者非知言者也持是以求儒之通焉者可

也。比余遊宦金陵，去句容三茅近甚。余樂遊焉，拘職守而不能竟往。聞君治所適居三茅山下，非君之所獨能往而遺余之所憾者乎？君其行哉！為余問訊三茅君。君必曰：汝故人之子來謁我，猶汝來焉。美以憾為遂，書為送行詩序。

廣孝啓蒙序

天地有初乎？曰：鴻荒顛蒙之世，吾不得而知也。生人有初乎？曰：孝為人道之極，吾願有考焉。是故舜稱大孝所

以開後世事親之源仲尼為經所以求後世事親之實源可浚也實可紀也聖人有望於天下後世何其至也且四海九州上際下蟠蒼蒼無窮其為地廣矣浩浩萬古去者不居來者不徐其為世遠矣斯人寸心溫柔懿順豈徒已存實為衆有所謂一人之心千萬人之心也故人道莫大於孝比物連類如芬芳敷暢父母欲之鄉人好之可謂榮也已尤莫大於不孝如臭穢污濁父母仇之鄉人惡之可謂辱也已是一榮一辱之間而壽

天禍福吉凶隨類而應鬼神旁鑒令人毛髮悚惕可不畏哉同里方君顯忠據經傳子史之說以為廣孝啓蒙其目有六莫不原於天有契於天序天秩者藹然孝友何莫非天也嗚呼古之人惟任教也防民心於未然後世惟任法也懲民惡於已然吾觀周官卿大夫黨正之屬以正歲月朔讀法俾民知所避就世教陵夷每竦其罪之著暴從而刑之是亦棄其民爾安得是編摹刻盛行家至戶曉古風其有不復而人心其有不淳者乎故

余序其所以而世之為孝子順孫者願相與勉之焉

送花伯玉赴閩閩序

海於天地間最下最鉅物也風濤掀舞一瞬目數千里
然人安土定居窺其涯涘蓋寡余往年道經海寧得縱
觀焉然亦未能深入其區奧也花君伯玉日從吳中來
訪余筠軒因與劇談海漕時事側聞駕萬斛之舟寄一
絲之命玩魚龍之幽室接蛟鱓之涎口飛輓積粟達于
神州返棹南還彙詩成集偉哉伯玉之為人也夫負勞

勛而受醜賞殆不為過然朝廷甲令之所該僅從閫帥簿書之役然後授之以民社君受焉而無望容將行請言於新安唐元元謂閩海東南大邑凡貨財珠璣犀象之所儲積甲天下况當大盜橫行殲夷之餘流離未歸田廬未治雖從事於大府簿書期會尤當以勞來還定為急寬征弛禁與民休息此其時也昔人有言曰甯戚毋忘飯牛時管仲無忘射鈞時願君毋忘浮海戒謹時於已何所不立於人何所不濟君其勉圖之

梅庭弊帚詩序

吾友潛夫洪公自總角時訂筆硯交居則磨切以近于
道出則肆情山水間雖酬酢於盃觴而口未嘗一出傲
慢語真樂益友也以故余得自力於困窮而氣不衰者
賴公居多一時門人所可見者唯文玉眷兄嗜讀書耽
於吟好覈論人物有鑒識大抵詩律尚圓熟吐辭坦然
明易無指胷推賢之嫌不以鈎章棘句自詭近人宗長
吉怪誕綺靡刻畫則過之故優柔之味減正大之情遂

失論大家數者少之一日過先姊氏家出梅庭弊帚一
編請余以評余謂梅庭自號也弊帚謙辭也家有弊帚
享之千金如買馬首以五百金百萬買宅而千萬買隣
之類明重輕不相當而意有所屬然則文玉之帚未見
其弊弊焉也雖力掃陳腐可也余年四十三以少作三
百首印正吾潛夫公以晦菴古今詩分為三等之論復
命君今年四十四作詩富矣惜不追先師一見而猶以
語我先師之言在耳顧吾學而未能吾尚何言哉雖然

和平冲澹之陶常盤摺老硬之黃杜上之為漢魏騷雅
君既已讀而又復之會當庭梅舒英清香細嚙梅耶詩
耶久而俱化矣昔賢謂乾坤清氣散入詩脾願分芒芴
以振刷推頽枯瘁之陋文玉起謝曰豈其然哉今宦遊
三茅之麓曰存心父者先師佳子也雖從事監稅不廢
於吟亦君所樂益友真以吾文寄之吾兒桂芳亦在焉
文玉曰可哉

績邑石印詩序

夫石以形不以氣者也其在地之四象為少陽焉故見於醫經餌之能長生刻為矢鏃堅可以禦侮人見而拜之者不以為狂繇星而隕者不以為異大山長谷之間窮荒遠徼之奧神剝鬼剔千怪萬狀孰可殫紀其能以印彰者惟績邑最大抵符章篆刻所以示信而防民之偽也向使示民之信而終以履信防民之偽而終以無偽此豈俗吏能之哉是石也確而厲廉而方生於油溪寂寞之濱每察夫邑治之得失而為之隱顯焉其顯也

軒豁呈露若有以揚之其隱也潛深伏闕若有以抑之
謂以形拘而不以氣通者衆人之見也必有造物行乎
其間而與之謀者是以上下數百年間始為黃門蘇公
出又為正言崔公出為叅政張公出今為王令君出先
後相承協于西都大臣畫一之規吾想四君子臨政有
如砥之平聽訟無嘉肺之枉信而無偽與吾民相安相
養久矣其出也固宜然非次翁有以啓之則邑民何由
而蒙王侯之惠乎自今以往聞侯之風有能興起者則

斯石不一出其為惠不既多乎余聞泗濱浮磬昔遭乎
都俞之朝大聲秦和之盛此豈特為一邑之祥上繫乎
邦家之策是可歌已歌曰油溪油溪有石若浮惟令之
賢為民之庥油溪有石視賢而出蘇公首之侯其合德

送余志賢序

自西方之教興而塔廟盈天下金碧晃耀雖極侈靡人
無有議之者由以禍福之說怖於人也視吾夫子之宮
墻則荒涼卑隘穿漏夷拔其悍然而不顧者亦獨何心

哉竊怪學校進人法屢變而弊愈深近歲以來於寒畯之士絕不與焉由多資之子弟進則不知謙遜由素習吏文之徒進則多懷險譎由非儒而儒進則遂昧廉隅一署楮尾而私意鳴張危據講席而肆無忌憚何吾道之不古也吾儒大聲疾呼訾訾二氏彼則攻苦食淡以効其勞朝謀夕慮以成其志此則以飄風墮尾視歲月幸其滿去而少升於梯級其勢則反出於下而漫不自知吁世豈無特立之士力振其久屈之勢而一旦深思

有以奮於其上者謂世無人則公道泯矣今婺源州學正余君志賢魁然一儒者也貌瘠而道腴文多而志確自其居職時則拓其土田飽其徒衆償其宿逋潔其祀事廟學齋垣則煥然以新花木果蔬則植而就列尊者艾以厚風化行課試以勗俊茂此其學政之大者也余備負所至淒冷亦嘗揆力興脩以賤姓名書楣壁間抵金陵以詩謁侍御夢臣先生曰三為老文學士廩絕芬塵夜或夢先聖庶可逃怒嗔然不逮志賢多矣公行矣

由州庠而升之郡校必將大有作為俾四方官於學之士有所矜式用儒之效其特立表見如此日讀諸公贈言紀無余美姑撮其大都以歸之因推二氏之勢益張而憫吾道之不振不無望於方來也

易氏竹圃序

沅湘之水清妙天下而靈均居焉平生滋蘭樹蕙江蘼薜芷皆所紉佩比物連類以芳香自許蓋欲規正於君惜乎懷王之不寤也夫物生異彙而人之所好不可強

同易君楚材之良也自其少時侃侃以功名自期殆厭於奔走而退營肥遯乃闢地數百弓從野夫求佳竹若干種久之而雷雨初作迸地銳出筭而植焉掎而角焉雜而立焉參而伍焉縱踈而不曠愈附而弗狎封之以土壤潤之以雨露逮歲久而林成矣君嘗語人曰太史公取渭川千畝富比封君是以貨視吾竹漢公卿下淇園而塞瓠子是以戕視吾竹毋授長房懼以變化厚誣我也毋捍之以為城剡之以為苛削之以為戈矛懼以

不仁用我也皆竹之不幸也必唐之六逸以遂其高愛
如子猷以順其性然後其為天者完而不少屈也復攷
圃之義或以種蔬茹或以實果窠或以毓草木蔬果屬
饜於口腹而草木就槁於蕪穢惟虛中直外傲睨冰雪
以為賢儻以老圃見之訾訾吾甘心焉余家武峯之下
手種篔簹二百箇常以與可君刻懸之堂上翠色寒光
日相掩映余引年歸老萬念可廢於此君不敢少忘今
而得與君交於數千里之外竹而有知必曰幸哉幸哉

謹以復吳季實之請而其文歸之易氏云

復紫陽莊基序

先庚戍而生者孔子也後庚戌而生者子朱子也道統
是有關焉歸魯之侵疆者仲尼也歸紫陽之侵疆者唐
侯也功有足紀焉嗟夫天下萬變之機日過乎吾前而
吾心自有一定不可移之見以理為之準則也即事論
事則如旆言蠟貌適足以文其姦即理論事則如履盆
之下容光必照今紫陽之莊基是也惟我書堂前代太守

思軒韓公創之靖齋魏公繼之靖齋之父鶴山先生與
西山真先生號南北兩山皆宗文公之學克承父志故
於紫陽特加之意買田刊書惠至渥也佃甲輿臺之役
也始而事主擎蹠曲拳終而叛主操戈入室春秋書三
叛人與夫竊寶玉大弓事雖小大不倫叛主之惡亦無
少異宅爾宅田爾田書堂業也今乾沒之以為已有天
其可欺哉雖犁其庭掃其穴亦不過也昔魯仲連嘗謂
人曰所貴於天下之士者為人釋難解紛也平原君欲

以千金為壽而仲連却之故有高世之知術者所以能成不賞之功後世稱誦不已然則昔人所謂天下之士者其在公門矣惟公文足以善化廉足以厲俗仁足以及物智足以推姦以是施之百里之間一洗往昔臨民之陋習神鑒其衷有孚盈缶於學田僅一節耳由是以推其餘其允合於人心興墜而起廢者何翅百千也夫砥礪以剗犀兕者其鋒不可犯仰觀羣流者惟金石而為能循良志伸貪夫吐舌其舉甚盛也余老矣幸秦宗

盟未諧一識輒為引首以寓贊美之意焉

通鑑發明序

至正四年冬十月江東憲僉崔公行部首見于廟語諸
監郡太守曰尹氏通鑑發明文公之忠臣也其刻梓以
詔後學可乎咸曰唯唯越明年梓工竣事命新安唐元
為之題辭元竊聞春秋史外傳心之學文定深探其旨
其曰春秋有變例定哀多微辭又曰直書其事不待貶
絕而惡自見又曰史文如畫筆經文如化工可謂善論

聖經矣嗚呼春秋托始乎隱公為平王不能自強於政
治也通鑑托始於威烈亦為三家之分晉也綱目追法
春秋固先正例然凡例間與書法不侔者用變例也畫
筆之變態有限化工之變例無窮也今攷綱目所書多
史遷以來不正明其罪有待文公之特筆其定名分正
國統重名節黜姦邪凜凜可畏可謂善繼志於仲尼矣
雖無傳義名家亦可也愚故曰善觀春秋當攷胡氏之
說善觀綱目當攷尹氏之說尹氏其亦善繼志於文公

者歟此姑舉其梗槩言之若必曰明褒貶於一字二字之間自有其書在愚何敢贅

李簡文序

余曩遊金陵偶過太祝周君之廬出示導江先生文一巨帙其文家數浩博亟讀不忍去手人曰志行楊公其門人也然志行文尚竒澁似不相類思欲讀之不可再得廣平李簡文侍其尊翁通守新安日相往來觀其意度閑雅辭吐周慎公庭無接武惟知把玩書策宛然一

儒者氣象也問所從進則曰濟寧尚聖功吾師也聖功學於導江導江學於魯齋魯齋學於仁山仁山學於北山北山則勉齋先生高弟也紫陽一脉上貫洙泗君其有所受哉尊翁在郡三年杜門却掃自處晏如同僚臨事羣疑滿腹取決於公之一言如車指南如矢破的議者多之公年將致政即拂衣而去歸裝蕭然惟載書滿車而已古稱黃金滿籬不如教子一經公之志也簡文勉旃

李氏族譜序

天地有初乎曰三五為一是已生民有初乎曰氣化而孩是已由氣化而形禪前乎千萬世其孰知為吾祖耶後乎千萬世其孰知為吾子吾孫耶然其初一本而已知其一本則知吾所自出推之為吾同出可不敬歟吁因生賜姓皆出神明之後晉太康中俾臣僚共訂家譜而唐貞觀因之前代為重事何後世視之為寡濶耶然盛衰相承如寒暑代謝或由田舍而為公卿或由公卿

大夫降為皂隸論者以數存焉以自詭天其可欺乎哉
世之欲吾子吾孫無窮之傳實自不欺心始不欺心斯
不欺天矣此所謂不譜之譜也可譜之譜人所同見不
譜之譜吾所獨知甚矣乎心之難養也元幼讀程文簡
家譜言其族出黃墩朱文公亦自黃墩出今李氏亦自
黃墩東遷文簡謂黃墩地本愜隘衆不能容特巢賊重
已姓不施殺戮以故衣冠之家多依之非土著也吾祖
兄弟三人卜其所遷俱以從田諱德鵬遷祁門之裏田

德鴻遷浮梁之界田德鸞遷婺源之嚴田此吾始祖也
六世至相三子鵬舉下宅祖也次將上宅祖也紹興初
釋褐筠州教授諱炳登進士第尚書都官郎中諱知已
奎晚進士知上元縣諱桃其遷祖所出刑部尚書諱珏
冠益相望代不乏人歲時序賀填衢塞街或車或徒疊
疊文雅斯一時之盛也山泉先生既譜族仲氏又譜之
表兄深谷老人書來曰族譜之不講久矣吾惻然以相
視如塗人是憂然前修之文度藏尚可攷也用是傭書

凡若干本以遍告于同族之人有子孫者則書之粲然如南箕北斗之相向也夫然後知天倫之重則知禮義之所當先蓋不譜則親盡易以忘本不辨則傳久而易以廡此老人修族譜之意也雖然為父兄者能以不欺心以培子孫之厚祿為子孫者又能讀詩書以不墜清白之傳是不肖拳拳所仰望也生祖小十貢元諱圮字子器以書經冠鄉試與丞相程訥齋同榜先君子梅癯先生諱虞字常道出繼郡城唐百六登仕後屢領鄉薦

登仕版先君子與伯父直軒公諱洪同受薦隱德不仕
兩子說說表兄諱龍字仲良授祈門縣儒學教諭即深
谷也元授徽州路儒學教授第五兒桂芳授建寧路崇
安縣儒學教諭姪孫李宗爽海南北道肅政廉訪司掌
書仲氏唐輝嘗歷廣東西憲府書吏表兄今年八十二
元年七十七俱抱曾孫祖宗福我厚矣深谷為族長命
元為引首繼山泉公之文觀者毋以為僭云

孔世潛北歸詩序

自古帝王名位極乎崇高而膏澤之被于天下者未嘗不廣且大也然有位必有勢勢盡而膏澤亦盡後有聖人者出無勢無位而其膏澤之施于天下雖更千萬世而無窮其故何也以其道之有在也夫所謂道者三其綱而五其常也三不綱則人倫熄五不常則人心死倫熄而心死國其能治乎嗚呼聖人吾不得而見之矣誦其詩讀其書斯可矣嗚呼聖人吾不得而見之矣得見其子孫論金石絲竹之遺音古經之在壁其尚無恙斯

可矣頃以冷官留金陵方引年告歸俄有孔氏聞孫翮
翮入精廬即延之坐東向問其字曰世衡十年前來遊
曰世潛教授孔顏孟子孫二生隅坐甚恭肅其稱孔氏之
家兒者耶出泐牒則知來江南營製竹籬若干事以歸奉
祀孔子曰俎豆之事吾嘗聞之矣軍旅之事未之學也乃
今南方用兵小醜猖獗自古文武兼資是為久長策武科
舉則勇智出文科復則忠義興况文事武備聖人已見之
行事矣君今北還試以余言質之洙泗諸老焉何如哉

送沈晉可序

三代之士養於學戰國之士養於客此遊士所由始也
通都大邑登高望遠士之遊多矣有如馬周悠然獨酌
於新豐固為偉人然棲遲逆旅授以客枕釋其憂懣亦
自咄咄可念余老來正苦行役每顧影寂寥時一發浩
嘆近自金陵歸番陽沈晉可來謁曰某好遊者也將之
吳之越而欲觀黃河秦華之大異即其人之賢以啓沃
吾之志意願請一言以行余謂君番人也忠宣之偉節

龍溪之詞章雙峰之理學今合三先生之長雖閉戶以
求之可也何以遊為君曰昔太白求見荊州願得盈尺
之地以吐胸中之竒老泉區區涉蜀道至京師薦其二
子豈鄉曲果無其人哉視鉅人元夫之門固有間耳公
獨不見夫井底之蛙乎終日跳梁不過尋尺之間及夫
背負青天之翼動以六月一息故善用大者不知其小
安於小者豈知其大此小大之異也吾之計決矣余乃
壯其言而應之曰子行哉行哉不知長安道上猶有昔

日所謂餅媪者乎遂相與大笑抗手而別

送張廷玉教諭太平序

昔明善張先生隱居城東上路以行誼卓冠鄉邦文氣
尚深厚削去崖異浮靡一時門人高弟與其二子咸以
禮經領鄉薦郡守知名詣謁禮與釣聞欲廩于兩學以
助不給則卻而不受平生希榮倖寵一不挂念簞瓢樞
甕意泊如也詩書之澤再傳而為仲文公公自弱冠從
郡博弗齎陳先生游先生愛其通敏頗授以劇務時值

革命多艱吾道不絕如帶兵卒蹂踐柱礎露立先生夙
夜經營興復賴公力居多其後從祀易像以木論堂宏
壯完好皆仲文為之其長紫陽也山水暴至蕩為汗淖
公批亢擣虛翔材驅石殆若神助為屋百餘楹論者備
之比歲郡太守嘉議公一日坐明倫堂上諭於衆曰吾
欲大新孔子廟惟爾多士其誰可屬籌畫者咸以太平
邑教廷玉對君念其世勲負勤銳然有終畝之志廼犯
炎暑歷深峻躬督斧斤繩曳克底成績郡侯濡注尊禮

愈至俄而逕吏踏門矣余竊謂明善先生潛深伏奧無
資用世而天錫善類每加畀于子孫故其父子接迹儒
林于吾夫子獨加之意非信道篤而若見聖人于羹墻
者則佞佞外慕邀覬福利非俗則佞而為士者羞太平
為古宣附庸榱桷梁待子久矣由是而施教循規順
序宜無難者若間架齊一無少罅漏亦作文法也莊生
曰用志不分而凝于神廷玉其能無收並蓄哉故于其
行始終言之

筠軒集卷九